


The image shows the front cover of an old book. The cover is decorated with a complex marbled paper pattern in shades of blue, purple, and brown, featuring a 'stone' or 'shell' marbling design. A central rectangular label with a cream-colored background contains the title and author information in black, serif, all-caps font. The text is centered and reads: 'DISERTATIO MEDICA' on the first line, '• BENNET •' on the second line, and '1779' on the third line. The label is slightly offset to the right. On the left edge of the image, a portion of the book's binding is visible, showing a dark, possibly black, cord or thread used for stitching.

DISERTATIO MEDICA

• BENNET •

1779



Digitized by the Internet Archive
in 2018 with funding from
Wellcome Library

<https://archive.org/details/b30385581>

59918/10

Suo-
med.

DISSERTATIO MEDICA
INAUGURALIS,

DE

HYDROPE-ANASARCA.

QUAM,

ANNUENTE SUMMO NUMINE,

Ex Auctoritate Reverendi admodum Viri

D. GULIELMI ROBERTSON, S. S. T. P.

ACADEMIÆ EDINBURGENÆ PRÆFECTI;

NEC NON

Amplissimi SENATUS ACADEMICI consensu,

Et nobilissimæ FACULTATIS MEDICÆ decreto;

PRO GRADU DOCTORATUS,

SUMMISQUE IN MEDICINA HONORIBUS ET PRIVILEGIIS

RITE ET LEGITIME CONSEQUENDIS;

Eruditorum examini subjicit

JACOBUS BENNETT,

HIBERNUS.

Societatis Physico-Chirurgicæ Edinensis Socius

Honorarius, et Praefes Annuus.

Ad diem 24. Junii, hora locoque solitis.

Crescit indulgens sibi dirus hydrops:

Nec sitim pellit, nisi causa morbi

Fugerit venis, et aquosus albo

Corpore languor.

HOR.

EDINBURGI:

Apud BALFOUR et SMELLIE,

Academiae Typographos.

M,DCC,LXXIX.

348463

Viro eximio

WARHAMO ST LEGER,

DE HEYWARD HILL,

Armigero,

Urbanitate, omnibusque virtutibus,
Quotquot virum vere ingenuum decorant,

Spectando :

Nec non,

Viro eruditissimo

JOANNI BENNETT, A. B. T. C. D.

DE ROCKSPRING,

Patruo suo perdilecto,

Moribus humanissimis ornato ;

Ob amorem in se semper colendo :

S.

Opusculum hoc, Vobis, Viri dignissimi, inscribere, ut nomina vestra in altius eveherem ; nec spes me minima induxit, quod nec sperare licuit, sed beneficia vestra in me nil talia merentem, tam multa, tam magna fuere ; ut nil jucundius, nil felicius accidere posse praevidebam, quam quod publice tester, nec animo me esse immemori, nec ingrato.

Tu, ergo, charissime Avuncule, qui a teneris meis annis, paternas patrisque dilectissimi curas, consilia, omnesque vices indefessus mecum agebas. Tu, denique, amicorum suavissime, qui beneficiis tam magnis, quam immeritis, me affecisti ; viri semper colendi, hasce in arte medica primitias accipite obsecro, serenoque aspiciite vultu hocce, meae erga vos observantiae, specimen, quod publice testetur, oro ; quam sum, ut semper ero, vobis devinctus. Vale.

Dabam Edinburgi,

Idibus Maii.

JACOBUS BENNETT.

DISSERTATIO MEDICA

INAUGURALIS,

DE

HYDROPE-ANASARCA.

SI humani corporis fabricam rite perpendamus, et varias, immo fere innumeras nocentes causas, quibus aegri mortales indies objicimur, spectemus, illico apparebit, nos tam fugacis ac fragilis vitae brevissimam tantum partem degere posse, qua machinae nostrae non multum intentatur periculi; immo fortasse, ut ait Swietenius*,
' perfecte sanum invenire arduum foret, in
' quo

* Vid. Van. Swiet. com. in Boer. aph. 1.

‘quo nempe in fluidis, nec in solidis, nec
 ‘in motu fluidorum per canales solidos,
 ‘deficeret nihil.’

Animo volventibus quam multi, quam
 atroces sunt morbi quibus gens humana fit
 divinitus obnoxia; ac reputantibus quam
 imperfecta ac manca ars medica etiam ad-
 huc manet, constabit, nos summa ope opor-
 tere niti, ne vitam silentio ac otio transea-
 mus, sed parvi properemus et ampli, ut quis-
 que in publicum commodum suam symbo-
 lam, etsi minimam, conferat, praesertim quum
 tam late extenditur campus ingenio atque in-
 dustriae. Nec desperandum est, quin morbi
 olim et nunc pro nec curandis habiti, la-
 boribus hujus inquirentis aevi remediis
 tandem et facile cedent. Et certus sum,
 quod magis artem Hippocraticam ille ex-
 colet, qui haud theoriis vanis aedificandis,
 in brevi mole sua ruituris, ratiocinio suo a-
 butitur, sed qui naturam ducem minime fal-
 lacem sequitur, ejusque operationes attente
 observat; nam medicus jure habebitur ille.

Numero

Numero morborum quibus curandis medicina saepissime impar est numerari debet hydrops; de specie ejus anasarca dicta, pauca hic proferre decrevi, haud vana inductus spe multum lucis ei me affundere posse, quod utpote tyro nec me promittere decet; sed haud prorsus inutile fore existumavi, si ea de hoc morbo ex auctoribus seligerem quae mihi utilissima ad praxin apparuere. Satis mihi sit, si quae proferam experientia firmantur, vobisque lectores benevoli arrideant.

HISTORIA MORBI.

Hunc morbum imprimis demonstrat pedum atque talorum intumescencia, sole praesertim occiduo, oborta, maxime si aegrotus per aliquod temporis spatium situ manserit erecto, aut pedes quoquomodo diu habuerit declives. Auroram versus, vel si aliquantisper decubuerit, tum multum imminuuntur, si non ex toto evanescunt tumores; tametsi non defunt exempla ubi pedes noctu magis quam interdiu tumidi evadunt.

dunt. Sed hoc raro tantum accidit, et non nisi sub morbo adhuc leviori, morbo ingravescente, vel post exercitationem de die strenuam. Pedum inflatio haud ita evanida est, quin potius ad crura, coxas, lumbos, et exteriora abdominis, (ascitem referens), adscendit; postea thorax, et postremo manus, facies, totumque afficitur corpus; ea tamen plerumque lege ut tumor in hac illave parte, proratione situs, nunc tumidior tumefactio, nunc depressior appareat. Palpebrae etiam in tantum saepe intumescunt, ut visus omnino intercipiatur; partes tamen inferiores magis fere sunt tumidae; aqua enim, gravitate sua pressa, ima semper petit. Tumor hic, ut in definitione enarrabitur, indolens est, et premente digito foveolam excipiens tarde confurgit.

Ecce ergo hujus morbi decursum solitum, quum ex causis quae totum corpus male habent sensim augetur; sed has haud semper servat leges, aliquando enim brevissimo intenditur spatium; cujus exemplum praebet

praebet Sauvagesius *, viri nempe cujusdam qui nocte fanus lectum petens, expergefactus fuit adeo oedematofus ut vix surgere potuit. Malo incremente, aliquando tam multum cutis distenditur aqua, ut fiat exudatio; cuticula etiam quibusdam in vesiculas elevatur, quae ruptae multum laticis effundunt serofi, instante (proh miserum!) gangraena lethifera.

Omnes functiones magis minusve laeduntur; vis sentiens interdum tam exilis est, ut aegri haud sentientes fuere combusti; vires minimo franguntur labore; motus evadit torpidus; appetitus profternitur, multumque fegnescit digestio. Calor a cute ita recessit, ut aëris circumambientis calorem ne quidem exsuperare videatur; respiratio fere laborat; tussis ficca saepe se comitem adjungit. Pulsus aliis, et tempore alio, alius, nunc frequens, nunc debilis et irregularis; est ubi tardissime micat; nunc color rubicundus ex genis avolat, totumque corpus pallore dehonestatur cadaveroso.

* Nos. Meth. vol. 2. p. 472.

6 DE HYDROPE-ANASARCA.

cadaverofo. Nec etiam haud laeduntur excretiones ; cutis arefcit, fitisque fit intenfa ; urinae etiam aegris minguntur parcae, fereque fubrubrae, haud potui congruentes afumpto. Haud femper tamen fatendum fic fe habet ; nam urina interdum quoad colorem excernitur naturalis, quantitate eadem ac fanitate illibata manente. Quoad alvum, nil perpetuum eft, quae aliquando tarda, aliquando dejicitur laxa. Morbi finem verſus febricula fere affidua, fed lenta, miſerum conficit, cum pulſu parvo, crebro, ac inaequali ; in graviore caſu paralyticae affectiones, ut aphoniae, catarrhi ſuffocativi, &c. per intervalla accedunt * ; frequentiffime deliquia ſaepius recurrentia aegrum morbis atque aerumnis confectum e medio tollunt.

DEFINITIO.

* Vid. Vogel. p. 552.

D E F I N I T I O.

Cum ingenii acumine sibi proprio Cullenus noster hunc morbum Clafs. III. et Ord. II. cui titulo est *Intumescentiae*, posuit, atque sic dignoscit.

‘Corporis intumescencia mollis, inelastica.’

D I A G N O S I S.

Anasarcam principio potissimum polyfarcia refert; quas tamen his fere notis distinguere licet. In polyfarcia, intumescencia nunquam vel perraro foveam, premente digito, excipit, nec vesperim versus, ut in anasarca, pedes mole increfcunt; saltem haud tempore nec situ mutantur. Praeterea, polyfarcia fit magis gradatim, ac diaetam plenam, ac lautam, fere subsequitur; cum, e contra, victus tenuis parvusque omnibus hydropum speciebus corpus abnoxium reddit.

8 DE HYDROPE-ANASARCA.

dit. Postremo, facies hydropici pallida atque exsanguis plerumque apparet, dum polyfarcia gravati rubicundo suffunduntur colore.

Emphysema etiam larvam prae se fert anasarcae; crepitatio vero, quae fricante ac premente manu percipitur, cum tumoris elasticitate diagnofin minime praebebunt fallacem; ad fumum, mediocri adhibita attentione, indiciisque fequentibus, nempe, urinae paucitate, fiti, faepe difpnoea, et manente digiti impreffione, a quibullibet aliis morbis facile dignofcitur anasarca.

P R O G N O S I S,

Ex caufarum ratione, fymptomatum duratione ac violentia, aegri denique aetate, habitu, viribusque perpenfis, inftituenda eft. Cautè tamen femper hoc in morbo tradenda eft, utpote nullus vel faltem pauci funt affectus de quorum eventu judicando, majore cautela atque cura fit medico opus; et
hoc

hoc satis perspicuum est, si tantum causas illas tam varias et (quantum adhuc notum) incurabiles, attente consideremus, unde originem ducit ille Lerna malorum hydrops; sequentia tamen aliquo modo nos dirigere possint. Si adhuc juventute viribusque viget illibatis, morbusque haud inveterascit, si suppressis evacuationibus natura institutis vel nimis largis successit, si dyspnoea haud multum increvit, urina etiam parum imminuta, faustum tunc dare judicium licet; sed praesertim si nulla viscerum obstructorum sint signa.

Si, e contra, aeger gravibus opprimitur annis, vires labefactantur, morbus longum in tempus duravit, vel si a causa immobili, veluti hepatis schirro, pulmonum, cordis affectione, &c. ortus sit; postremo, si dyspnoea ingravescat, sitis intendatur, res jam plane in ancipiti posita est, et infaustus exitus expectandus. Ast, ubi sub inveterato morbo viribusque fractis alvus profluere incipit, si aqua sibi viam per cutem paraverit, et ulcera in sphacelum vertantur, febricula praesertim

tim praesente, tunc de aegro conclamatum est.

CAUSÆ REMOTÆ

In praedisponentes, et excitantes recte dividuntur. De

Praedisponentibus primo dicendum : Harum praecipue sunt quae sequuntur ; status solidorum quacunque de causa relaxatus, sed praesertim ab inveterato illo more liquores ingurgitandi spirituosos, diaeta tenuis, parca, et aquosa, sexus sequior, cui saepius evacuationes natura institutae suppressae sunt, et vita magis sedentaria, unde via fit in hunc morbum tam proclivis, (fidelissimo testante Sydenhamo), annosi potius laborant quam juvenili aetate florentes, et Jove sub humido degentes, ut Batavi, quam maxime, vel opus aquaticum exercentes quales sunt lotores et piscatores *, temperamen-
tum

* Vid. egregium illum librum cui titulo est Home's Principia.

tum huic affectui opportunius est phlegmaticum.

CAUSÆ EXCITANTES.

Hae, quum tam numerosae sunt, et ut citius et quasi uno conspectu comprehendantur, tabulam a celeb. nostro Culleno institutam transcribere melius existimavi, et praecipue quia in hoc, ut in aliis ejus operibus, methodus quam optima, ordoque quam justus elucescit.

TABULA CAUSARUM HYDROPI.

Serosi laticis accumulatio hydropem efficiens, oritur ex,

I. Effusione, quae fit

1. Exhalatione aucta, haec iterum a

A. Resistentibus venosi sanguinis recur-
fui

a. Obstructionibus

B

aa.

- aa. Pulmonum,
- bb. Cordis,
- cc. Hepatis,
- b. Corporis situ,
- c. Plethora venosa,
 - aa. Suppresso menstruali fluxu,
 - bb. ————— haemorrhoidali,
 - cc. ————— evacuationibus serosis
- d. Obstructione venarum quarundam
 - aa. Concretionibus ipsarum polyposis,
 - bb. Compressione
 - α. Tumoribus tunicis earum haerentibus,
 - β. ————— extra venas
 - αα. Schirrosis,
 - ββ. Steatomatosis,
 - γγ. Utero gravido,
 - δδ. Aquae propter ascitem collectae;
- B. Obstructis per excretoria fluidis;
- C. Impetu sanguinis in arteriis aucto,
 - a. Vi externa ut distensione vel contusione,
 - b.

b. Febre,

D. Exhalantium relaxatione, propter

a. Paralyfin,

b. Atoniam universalem; ut chlorosi,
cachexiaque

E. Partis aquosae, sanguinis, quantitate
aucta,

a. Ingesta,

b. Retenta propter excreta impedita,

c. Partis craffioris abstractione, ut

aa. Globulorum rubrorum et glu-
tinis haemorrhagiis,

bb. Glutinis ab evacuationibus fe-
rofis vel purulentis

2. Ruptura lymphaticorum

3. Saccorum, aut vesicarum

II. Retentione et accumulatione fluidorum
naturaliter effusorum, propter diminu-
tam absorptionem,

1. Venis partium lymphaticorum caren-
tium obstructis,

2. Ipfis lymphaticis, vel glandulis eorum
obstructis,

3. Paralyfi lymphaticorum.

Quo-

Quoniam singulas causas hic enarratas explicare, ultra justos limites hoc opusculum produceret, sat esto pauca tantum obiter dicere.

Systema vasculosum humani corporis ex duobus minoribus constat, sanguifero, nempe, strictius dicto, et seroso; *illud* sanguinem rubrum a corde ad extrema mittit, retroque hinc cordi eum reddit, atque adeo per totum circumvehit.

Hoc ab illo oritur, constatque ex vasis tam parvulis, ut globulos rubros omnino excludat, et liquor iis contentus per excretoria sub forma perspirationis, urinae, &c. vel quasi noxius emittitur, aut in cellulas cavaque corporis omnia exhalat, ideoque vasa dicuntur exhalantia. Quaestionem hic occurrentem, nempe, utrum per organicos an inorganicos poros haec fiat exhalatio, utpote a re nostra alienum haud attingere volo. Sufficiat scire liquorem sic emissum variis inservire propositis; cor enim ac musculos, &c. lubricat, ne sibi invicem accrescerent, frictionem etiam nimiam tollit. Officio

ficio hujus fluidi sic peracto, ne nimis ultra sanitatem cumuletur, alius vasorum nascitur ordo, qui vi sua capillari resorbeat, iterumque massae circumeunti id restituat; haec nomine absorbentium gaudent, quamdiu igitur haec inter et exhalantia justum perdurat libramen, omnia recte se habent, naturaeque sapiens perficitur propositum. Sed, siquando causas propter antedictas hoc subvertitur aequilibrium, plusque aquosilaticis ex arteriis depluit, quam sugunt absorbentia, toties aquae congeries, hydrops.

Inter causas diminutae absorptionis tabula insertas, obstructio venarum, partibus lymphaticis carentibus, enumeratur. Sed, cum venia auctoritatis illius tam venerandae, et quam maximi semper gratus habebo, eam omnino excipere vellem. Nam, tametsi cerebro lymphatica adhuc cultrum effugere anatomicum, nostrosque imperfectos sensus, tamen certe haud propterea huic nobilissimo organo sunt deneganda; nam vel venas rubras ipsas absorbere, aut etiam absorbentia in ipsas haud omnino terminare, obser-

observationes ac argumenta clar. Monro*, et Hewson† ultra dubium ponunt. Analogia, igitur, ex reliquo corpore sumpta, ubi nil tale obtinet, simplicitasque illa qua gaudet natura verosimillimum reddunt, hoc organum lymphaticis haud carere; et haec opinio stabilita videtur ex observatione ingen. Falkner, qui affirmabat se glandulas lymphaticas cerebro Aselli detexisse.

Sed, causam hanc hydropem inducere posse haud inficias ibo, etsi modo perquam diverso, nempe si venarum oritur obstructio, impetus in exhalantes arterias erit major, et inde augebitur exhalatio, vel obstructio haec, num a tumoribus, aliave causa comprimente orta, lymphatica aeque ac venas afficiet, et sic reditum lymphae impediet; exemplum cujus videre licet, tumefactis enim glandulis axillaribus, saepe oedematosus redditur humerus.

C A U S A

* Vid. Monro de Venis Lymph. Valv.

† Hewson on the Lymphatics.

CAUSA PROXIMA.

Ex antedictis colligere licet, causam hujus morbi proximam constare, ex accumulata aquae praeter naturam copia, ob exhalationem auctam, absorptionem diminutam, vel lymphaticorum rupturam; harum secunda frequentior, postrema rarissime occurrit.

RATIO SIGNORUM.

Horum praecipua quae hic annotare volumus sunt, *Intumescentia, foveola premente digito manens, dyspnoea, sitis, tussis, cutis arida, urina parca, vesicatio, et gangraena.*

Intumescentia a fluido aquoso in textum cellulosum effuso, eumque in tumorem elevante, oritur, partibus inferioribus maxime percipitur; quoniam aqua effusa vi gravitatis ima semper petit, cellulis inter se tam libere com-

communicantibus, ut clare demonstraſti, lugubri heu! fato ademptus, tu, mirandae humanae ſtructuræ interpres, illuſt. Hal-
lere.

Foveola manet aliquantiſper, quia premente digito aqua incluſa in partes propellitur vicinas, ſed tono atque elatiſticitate amiſſis haud cito reditura.

Dyſpnoeam, forſan quantitas ſeri in telam cellularem, quæ interſtitia loborum majorum atque minorum pulmonum adimplet effuſa, efficit, tale hujus viſceris oedema clar. obſervavit Albertinus*, atque vomicae aquoſae a cel. Maloet† detectae, caſus narratur; medioeri, igitur, ſeri copia loborum interſtitiis cumulata, cauſa lucido apparet cur reſpiratio adeſſet difficillima, cum vaſa tam ſanguifera tam aerifera comprimantur, actioque pulmonum variis turbetur modis. Idem ſymptoma evenit aqua in thoracis cavitate, vel abdominis emiſſa, quæ hic di-
aphrag-

* Inſtit. Bon. tom. i. p. 392. 393.

† Mem. Ac. des Scien. l'an. 1732.

aphragma sursum trudit, illic pulmones opprimit.

Tussis saepissime nil praeter symptoma est causae excitantis, ut si morbus a frigore sit ortus. Sed aliter etiam oriatur ab effusa in thoracem vel rete cellulosum pulmonum, aqua. Symptomate hoc ingravescente, malum inveteratum designat. ‘Cum (ut inquit Suietenius) * ‘designet pulmonem impediri ob copiam aquae accumulatae, vel ‘irritari perpetuo a parciori etiam copia aquae, sed jam acrioris redditae.’

Cutis arida ortum fortasse trahit a constrictione, vel extremorum collapsu vasorum, humoribus alias diversis.

Urinae paucitas. Apud physiologos fere pro axioma habetur, quod, e ratione unius auctae, reliquae imminuuntur secretiones; et hoc jure habetur; nam si partem in aliquam major aequo determinatur, ab aliis juxta derivatur, et necessario hisce minuentur secretiones; quoniam, caeteris paribus,

C

quan-

* Vid. Com. in Aphor. 1230.

quantitas dato tempore secreta semper proportionem erit quantitatis sanguinis aliquod organum permeantis. Nunc, quoniam hydrope grassante effusio ab exhalantibus augetur, concludere licet, quod huic utpote causae paucitas urinae sit tribuenda.

Sitis--Etsi partis serosae in telam cellulosa aliove effusio pro imminuta urinae secretionem quoad quantitatem compenset, haudquaquam tamen qualitate; nam pars salina humoribus contenta hoc modo retinetur, et salivae secretionem afficiendo sitim creabit; vel hoc symptoma oriri possit ob defectum secretionis salivae, aucta aliis in partibus effusione.

Vesicatio cutis aquae subtus effusae tribuenda, ut etiam acrimoniae stagnando acquiescat; et postremo haec cum partis atonia gangraenosam necrosin, heu fatalem, inducat.

METHODUS MEDENDI.

Ut haec rite jufteque inftituatur, variis ut caufis animum adhibeamus neceffe, et ut quaeque tuto ac celeriter tollatur curandum. Hic tamen de fingulis amovendis differere, nec locus nec tempus nunc reftat. Quinetiam harum multae funt faepenumero tam incertae, faepe etiam, quamvis notae, tam curatu difficiles, ut fi tantum caufam proximam tollere licet, nos contentos effe omnino oportet; et poftremo quia de anafarca idiopathica, i. e. a debilitate pendentem, (ut faepiffime fit) tractare volumus, duas ergo indicationes ponere lubet, viz.

1mo, Aquam jam collectam, modis quam minime debilitantibus, exhaurire.

2do, Ejus dein recurfui providere, tonum fyftemati reftaurando.

Prima efficitur,

A. Modis directis, ut

a. Vefi-

- a. Vesicatoriis,
- b. Fonticulis,
- c. Puncturis:

B. Indirectis, ut

- a. Emeticis,
- b. Purgantibus,
- c. Diureticis,
- d. Sudorificis,
- e. Sialagogis.

2do, Tonum systemati restituere,

- a. Diaeta,
- b. Exercitio,
- c. Frictione,
- d. Chalybeatis,
- e. Cortice Peruviano, et
- f. Balneo frigido.

De his nunc singulatim.

Vesicatoriis — De horum usu haud omnino inter se medici conveniunt ; aliqui* ea strenue commendant, dum e contra alii † pro nihilo habent,

* Targioni Tozzetti Med. Obs. p. 109.

† Sydenham. &c.

habent, immo utpote remedium periculosissimum, existimant. Quomodo igitur tantas aggrediar componere lites certe animi haereo; sed, quoad fas mihi colligere liceat, ea utpote perutilia commendarem; at de iis administrandis haec pauca dicere lubet, viz.

1mo, Si remedia interna sine fructu fuerint exhibita.

2do, Si aeger haud multis oppressus sit annis; et,

3tio, Si vires ejus haud nimium sint fractae.

Tunc denique horum fiat periculum.

Fonticulis—Si vesicatoria utilia evasere, ea forsan per fonticulos continuare commodum esset. Profess. nost. Home* casum narrat dominae anasarca laborantis, quae hoc remedio fuit ex toto sanata, cum omnia alia remedia perverse recusasset.

Quoad *puncturas*, certe ubi, ut aqua quam citissime extrahatur, requiritur, sunt efficaces, et scarificationibus anteponendae; quia
hoc

* Praelect. Mat. Med.

hoc modo minor infligitur plagae, et minus igitur ulceratur.

Si fidem auctoribus gravissimis, ut par est, adhibeamus, et ad exempla permulta quibus eorum scripta abunde scatent animum advertamus, ubi haec remedia antedicta feliciter evasere, mirum certe videbitur, ea nunc temporis tam raro esse administrata; sed tamen, e contra, haud inficiandum quin periculum ab iis intentatur, timorque haud omnino sit vanus, ne vulnere inflicto subsequatur gangraena, quae et aegri vitam et famam medici in discrimen vocaret, qui occidere videatur quem servare oportet. Forsan hisce objectionibus aliquatenus vacat medicamen, cujus virtus quibusdam in casibus a Donaldo Monro praedicatur, nempe,

Folia Brassicae partibus tumentibus imposita, quibus exsudatio fit saepe magna, si simplex remedium tamen haud propterea contemnendum; sed experientia adhuc refert de hac re facienda.

De his omnibus remediis sequentes instituerem regulas.

1mo, Haud sunt adhibenda, antequam alias per vias educendi aquam conamina incassum fuere facta.

2do, Utenda veniunt ubi ruptura partium, propter distensionem, sit timenda.

3tio, Hisce in casibus, ubi in telam pulmonum cellulofam tantum effunditur feri, ut parum abest quin aeger, respiratione turbata, suffocetur.

4to, Si quando per puncturas, &c. humori viam facere lubet vel oportet, haud digitis duobus super talum eas instituerem, etsi hoc ita monitum a multis legimus; sed primo portam humori supra genu melius opinarer, et postquam partibus superioribus elapsus est, tunc descendere licet, si opus; nam, si parte inferiore tibiae factae sint plagae primo, major gangraenae timor, quia, quo longius a corde locus distat, eo minor erit vis circulans, et ex consequentia tonus ac partis energiea, quinetiam aegre hoc loco sanantur ulcera, etiam illibata sanitate.

5to, Omnibus hisce modis evacuatoriis, me judice, sunt anteponendae puncturae, ex eo quod inflammationem, aut levem, aut nullam et tractabilem excitant. Hanc methodum multum commendat Clar. Mead; cujus haec sunt verba: ‘ Hanc, inquit, medicinam non tantum in hac morbi specie (anasarca nempe) sed et in ipso ascite, multum profuisse, quin et interdum sanasse multoties expertus sum, profluente per multos dies tanta liquoris copia ut fidem superet *.’ Tamen hanc habet cautelam, viz. aquarum effluxum secundum aegri vires esse moderandum.

Postremo, Quum aliquid incerti secum semper ferat haec methodus evacuandi, (nempe directa), et timor urget ne sequatur gangraena, huic praecavendo, si signa illius jam instant, foci discutientes remedia calida imprimis valent; hujusmodi sunt decocta herbarum amararum, adjecto spiritus

* Mead, Monit. et Praec. Med. cum Annot. Clifton, Wintringham, p. 179.

tus vinosi pauxillo, camphorae maritato hic forsan, haud alienum esset notare, quod utile sit partes plagae vicinas linimento obtundente defendere, ne inflammentur acri aqua indefinenter stillante; hujusmodi est Linim. Alb. Ph. Lond. &c.

Nunc de EVACUANTIBUS INDIRECTIS, remediis tutissimis; et horum primo considerari veniunt

EMETICA. Vomitionis sponte excitatae effectus salutiferi horum usum suadent; hujus exemplum notabile ex multis Obs. Med. Lond. videre licet, nempe, aegri simul anasarca laborantis, cui crura tibiaeque in immensum fuere tumefactae, sed spontanea superveniente emesi, qua aquae lib. quinquaginta eliminabantur, et sanitas integra rediit. Multa alia hoc genus exempla hujus medicamentorum classis virtutes declarant; morbo igitur recente, ea propinare utilissimum erit, nisi contrarium indicat dyspnoea urgens, vel a corpore nimium agitando aut concutiendo periculum immineat, praeter absorptionem quam promovent, tonum

quodammodo systemati restituant, ut plena induceretur emesis, optima sunt antimonialia. Alia etiam hujusmodi, si opus est, restant multa quae nemo tam hospes in medicina qui ignoret.

CATHARTICA IN FORTIA ET MITIORA dividuntur. Quoad priora, omni aevo a gravissimisque medicis commendata fuere; favet etiam illis Sydenhamus ipse; sed, e contra, multi ea reprobant, quasi noxia plerumque. Inter hos numerari debent clar. Tissot (qui etiam ob stylum ejus elegantem evolvi mereatur) et Storckius; illius haec sunt verba: ‘Longe saepius monstravit observatio, nihil minui tumores sub valida purgatione, prosterni vero vires, aut hac via profligatum tumorem citissime redire *.’ Hic de hydropicis anno suo medico loquens haec habet, ‘fortia purgantia semper nocuerunt †.’ Ad summum ea quasi nociva habeo, praesertim in ea specie hydropis de qua nunc agitur, nempe,

* Vid. Ann. Med. p. 89.

† Vid. Epistol. Med. de Hydrope.

nempe, ex debilitate orta, in qua maxima virium digredientium est jactura, quas jam debiles pessumdant drastringa; sed, si alia remedia parum aut nil profecere, tunc ad ea descendere liceat, quorum sequentia sunt utilissima.

Gambogium, jallapium, elaterium, scammonium, &c. Inter haec etiam pil. lunaris Boyleana multum a Boerhaavio, Van Swieten, et aliis, laudatur *. Praeter haec haud silentio praeterire possum medicamentum a Dr Backer † introductum, cui titulo est Pilulae Tonicae, quae ex extr. melampod. gum. myrrh. carduoque benedicto conflantur; harum decem pro dosi assumi jubet, et ad tertiam vicem repetendam, spatio horae interjecto, nisi alvum urinamve, sicut solitum, prius copiose moverint; triginta harum gr. circiter gr. x ext. melamp. continent, ex quo virtus remedii pendere videtur. Haec medicina longe aliis,
 si

* Med. Com. vol. 2.

† Vid. Van Swieten, Com. de Hydrope.

si famae fides sit habenda, praestat; affirmat enim auctor, eam illis inesse vim ut corpus potius confirmet, unde nomen, quam frangant. Si hoc pro vero habemus, non est cur drastrictas ejus vires timeamus. Dr Backer cautelam perquam novam adjungit, liberum nempe potus usum commendat, et hujus praxeos usum factis confirmat.

Cathartica mitiora—Horum cremor tartari a celeb. Menghini adeo laudatus merito primarium obtinet locum; et hoc commodi prae aliis secum affert, ut nec aegrum multum debilitat, et simul per alvum et urinam humorem noxium expellit. Rem in hoc morbo haud parvi momenti; nam maximam curationi symbolum confert, si quam multae excretiones ferventur apertae. Ob has causas, cr. tart. laudes sibi proprias merito acquisivit, utpote qui vice diuretici et purgantis simul fungitur. In eo adhibendo haec formula nobis maxime arridet; electuarius nempe ejus cum pulveris cinnamoni portiuncula conflatum, adjecto syrupo zinziberi ad consistentiam idoneam; sic

fic optime vi ejus refrigeranti praecavetur, atque aegri palato consulitur. At, si potius per renes eum dirigere volumus, melius in aqua fatis larga solvitur, pauxillo nitri nuptus, quocunque demum modo eum praescribemus, frequenti ac fracta dosi debet propinari. Si haud fatis libere alvum deject, optime acuatur pauxillo pulv. jal. addito, ut fit in remedio sub nomine pulv. e jalap. comp. noto.

Diuretica—Si talia medicamenta revera nobis fuere nota, omnibus in aprico est, quod aliis quibuscumque praestarent; quia praecipue per renes seroso latici via naturaliter est data, et quia haec remedia omnium minime vires exhauriunt. Sed certe dolendum est, omnia huic proposito destinata incertae esse virtutis, et nullum esse cui penitus credamus; verum enimvero haud ergo desperandum, sed nosmet ad periculum faciendum accingere oportet; et si unum aut alterum nil efficeret, haud omnino desistendum, quoniam nobis a priori ignotum quid remedium faceret, quidve idiosyncrasia promitteret.

mitteret. Diureticorum usitatissima sunt, *Scillae, Colchicum, Allium, et Sales Alcalini.*

Scillae.—Hae magnis auctorum laudibus, nec immerito, efferuntur, famaue earum prisca crescit eundo. Van Swieten, de diureticis agens, dicit, optimum omnium quotquot ei innotuere esse scillam, quo melius proposito inserviat ad nauseam excitandam, teste et monente peritissimo Home *, exhiberi debet, simul cavendo ne frequentius liquat alvum, ut nos monet clar. Tissot, ‘Faustius vero semper mihi successit scilla, hanc adhibendo dosin quae renibus non alvo purget, et sic mira patrat †.’ Nitri granis paucis adjunctae urinam adhuc magis provocant. Eruditus Gregory, practicis suis praelectionibus, multum laudare solitus fuit scillam, pil. merc. Ph. Ed. adjectam. Et quoniam, mehercle, vires ventriculi deprimunt, zinziber admiscere, vel aroma quodvis, commodum erit.

Colchicum

* Praelect. mat. med.

† Epistol. med. p. 405. &c.

Colchicum.—Omnium ore versatur, hoc remedium a Storckio adeo celebratum, qui asserit se novem ex tredecim hydropicos hoc solo in sanitatem revocasse; dum, contra, Monro *, et alii, sese haud bona fortuna id praescripsisse docent. Utrum igitur Storckio credendum, et qualitate remedii ab his usitati ejus vitio vertatur impotentia, necne, dubium videtur; huic tamen opinioni fateor me lubentius accedere; nomen enim Storckii a medicinae cultoribus veris semper in honore habebitur, utpote vir cui, propter observantiam, ac remediorum virtutes detectas, multum debetur; testis certe fui oculatus ejus virtutum in Collegio Casuali hic habito, atque Nosocomio Regio Ed.

Allium interdum etiam haud inutile invenitur; sed magna autem dosi adhibeatur.

Sales Alcalini multum sibi nominis ac famae acquisivere, et per saepe eos in auxilium vocare utile erit, optime vino nubuntur Rhenano. Haud ignobile etiam remedium

34 DE HYDROPE ANASARCA.

medium spir. nit. dulc. celeb. noster Andreas Duncan, quo non observantior alter. Sic de eo agit: 'I know of no remedy which has such speedy and powerful effects in producing copious diuresis *.' Alia hoc genus enumeranda restant; sed haec forsitan fatis. Antequam vero hanc partem omnino relinquere cogor, haud possum quin pauca de usu opii tradam, remedii certe, quantum scio, inusitati, et cujus paucos credo experimentum facturos, si solum theoriae indulgerent. Sed memorabilis quam tradit clar. Mead † narratio huic fidem facit remedio, multos ab hac medendi via deterreri scio, ob ejus vires sedantes ac relaxantes; at est cur credamus has etiam qualitates prodesse posse, ubi nempe dolores saevi aegrum vexant. Nonne liquor effusus tam acris esse potest, ut ad ejus contactum sese absorbentia claudant, neque quidquam de hostili liquore admittant? Nonne, his in casibus,

* Lect. on practice.

† Precept. med. p. 21.

sibus opium se utile offert, quo casu an ullum remedium opio praestantius habemus? Multa etiam sunt diureticorum nomen vix fortita, quae mira tamen idiosyncrasia diuresin copiosam promovent; sic de homine audiui qui nunquam mellis portiunculam devoravit, quin illico urina copiose effluerit. Ut ne multum igitur aegrum semper quaerere oportet, num ullud assumptum diuretici subsequerentur effectus.

Finem nunc hisce de diureticis impositurus, solum modo restat hanc nostram proferre sententiam, diluentia, nempe, liberius solito esse assumenda, si actionem diureticorum in renes determinare volumus. Neque hoc meum est solum praeceptum, sed quod olim sapiens tradidit Hoffmannus ille semper laudandus. Tantum notare volo, hanc cautelam nimium jam defuere; et certe mirum est medicos hac in re tam multum hallucinari, ducem naturam haud passibus aequis sequentes. Quot enim exempla indies legere licet, ubi hydropes atroces largo aquarum spadanarum,

&c. haustu penitus fracti atque fugati fuerent*. Quam ad rem aptus, nec sua fraudandus laude, memorandus venit ille potus ex spiritu juniperino (vulgo *gin* dicto) cum acido vegetabili conflatus iusteque dilutus, quem multum etiam laudat Dr Cheyne. Hoc genus fere est ille gratus liquor, *Sherbet* dictus, cujus vim diureticam Wagner † multi pendet; ut etiam aqua, aëre fixo illo mirando fluido imbuta, quae inter alias ejus dotes medicinales, utpote diuretica laudibus Percivalli egregii effertur ‡. Hoc tamen ut praecipue dignum attentione monemus, ut lotio cum diluentis copia ingesta quotidie componatur. ‘Nam si plus,’ ut inquit Celsus, ‘humoris excernitur quam assumitur, ita demum secundae valetudinis spes est §.’ Sic agendo minus periculum in errorem incidendi urget.

Quoniam

* Vid. Van Swieten com. Hoffman. &c.

† Vid. Clin. Obs.

‡ Vid. Percival's experimental essays, vol. 3.

§ Lib. 3. c. 21.

Quoniam anasarca haud raro ab obstructa oritur perspiratione, in auxilium vocari possunt sudorifica: Eorum utilitatis praebet exemplum Dampier *, qui hydropem eum insula California dicta eum ingruentem saepe fugarit, corpus ejus arena calida circumdando; ubicunque igitur hic morbus impeditam perspirationem utpote causam agnoscit, aliis etiam in casibus, haec remedia sunt utilia. Nec ratio solum hoc suadet, sed etiam experientia; nam eruditus admodum Doctor Hamilton saepe ac feliciter hac praxi usus, mihi eam amicissime commendabat, simul me monens, haec ab ea commoda ei Nofocomio regio Edin. inter medendum accidisse, nempe, ille egregius notabat, quod inter diaphoreticorum usum urina ac sudor copiose simul profluebant, viribus quod maximi est infractis manentibus. Ubi talia requiruntur, nullum pulvere Doveriano aut praesentius aut melius datur remedium.

Sialagoga—Haec etsi in curandis hydro-
piciis

* Vid. Dampier's voyage, vol. 2. p. 276.

pice fuere administrata, tam ea esse incerta ducimus.

Paucis jam prolatiis de singula remediorum classe, aquam evacuando aptata, solummodo de omnibus observare restat, quod, dum haec administrantur medicamina maximi erit momenti justo intervallo, vel cum iis adjuncta ea adhibere, quae vim roborantem ac refocillantem possident: Et hoc enixe memoria tenendum; nam, si eliminationi aquarum solum intenti nil ultra curamus, studium impendimus inane; quia, etsi quoad hanc votis fruamur, tamen aegri viribus fractis morbus plerumque recidivat, et forsitan per hanc incuriam ab hydragogis utilissimis abstinere saepe necesse; quibus si tonicis fuissent conjuncta, usque ad curationem morbi uti licuisset. Hoc saltem pro certo habeo, quod hydropes melius fugarentur, atque recidivationi feliciter praecaveretur, si causae proximae ac remotae amovendis curam uno atque eodem tempore suam impenderent medici.

Ad

Ad *secundam* nunc ventum est indicationem, nempe,

Tonum systemati restituere, quo praecipue recursum praecavetur; et hoc certe opus, hic labor est. Nam, ut observavit in arte sua clarissimus *Rutherford* *, ‘(I have always found it (inquit ille) a more difficult problem to prevent a relapse, than to evacuate the water already collected.)’ Hoc agunt optime remedia *tonica* dicta; nam de iis quae obstructions alicubi haerentes amovere possunt fileo, ubi hydrops nil nisi symptoma causae est; et hic autem de eo qui a debilitate pendet, agendum est.

Haec sunt denique, *diaeta, exercitium, frictio, chalybeata, cortex Per. et balneum frigidum.*

Diaeta non nimis aquosa at nutriens esse debet, qualis caro est ex venatione, &c. assa cum pane hesterno, beneque cocto; pro potu ordinario, vinum rubrum, austerum, diu conditum, cellisque retentum, modice dilutum, aliis anteponitur; vel si hoc aegro fastidium

* Clin. lect.

fastidium crearet, cerevisia fortis, Anglice *Porter*, potum praebebit plerisque adamatum.

Exercitium, si vires ferre possint, haudquaquam omittendum; quippe remedium est cui nimis insistere haud possumus. Juxta Celsum igitur, ‘multum ambulandum, currendum aliquando, et superiores maxime partes sic perfricandae ut calorem in cutem evocet *.’ Verba certe aurea! Solummodo alienum est, ubi dyspnoea periculosa urget; alias praesentissimum erit, immo solum curationi sufficit, ut a multis exemplis constat. Ne tamen ultra vires protrahatur cavendum; nam aliter omnia in pejus ruerent, retroque sublapsa tollerentur. Inter exercitia, vectio in rheda, navi, et equitatio, principem sibi locum vindicant. Nec hic oblivisci possum pulchrae illius methodi multis celebratae, nempe, frictionis faustissimis saepe auspiciis institutae, perfricitur verriculo ex fetis confecto, vel panno laneo cuti admoto; et, ne simplicitas remedii aegro esset contemptui,

* Vid. lib. 3. cap. 21.

temptui, et ne partes excoriantur, fumus thuris, fuccini, &c. cum oleo interponatur. Sed inter usum hujus sedulo cavendum, ne fortius distringatur cutis; nam rudis correctatio pessime noceret.

Chalybeata—Horum in numero jure ascribuntur et potentissimae sunt limat. fer. pp.

Corticis virtutes adeo omnibus innotescunt, ut fuse de eo dicere ingratum foret, ac taedium crearet.

Balneum frigidum, postquam aeger fere convaluit, haud inutile est; sed si neque stimulum addit, neque reactionem atque calorem provocat, ab eo desistere necesse. Postremo,

Electricitas, praecipue sub forma insulationis, summam spem nobis affert. Cum corpus tantopere stimulat, pulsus, ut ipse notavi, duodecim pulsationibus intra minutae spatium adaugens, perspirationem praeterea quam maxime promoyet mirandum hoc fluidum; quare periculum ejus semper facere omnino oportet.

Finem

Finem nunc studiis meis academicis impositurus, occasionem Physico-chirurgicae Societati gratias quam maxumas agendi, laetus, arripio. Ex colloquiis eorum eruditissime multum commodi per triennium fere hausisse, semper gratus meminisse juvabit.

Nec hic praeterire silentio possum Andream Duncan, M. D. et Alexandrum Hamilton, A. O. P. ambos in arte sua peritissimos, viros urbanissimos, amicos denique mihi carissimos, quorum amicitiam ac beneficia (ut ex praelectionibus eorum emolumenta) saepe saepius expertus, me nunquam obliturum vere promitto.

F I N I S.

